

道光遵義府志

遵義府志卷三

疆域形勝附

畫井分疆王者所以域民也遵義在萬厯以前地僅當播州之半改流設府領五州縣

國朝雍正間改歸貴州用固北藩乾隆間復析仁懷三里置直隸廳鎖鑰黔蜀雖地有分更而現在廣袤之數可計里而悉也書曰申畫郊圻慎固封守界圻詎弗重歟故實稽郡邑八列而以形勝附焉

遵義府

治在布政司東北二百五十里東至丁家壩塘交平

越州湄潭縣界一百五十里西至老虎沱交四川敘永廳界五百八十里南至烏江臨交貴陽府修文縣界一百里北至界牌交四川綦江縣界三百六十五里東南至合口臨交貴陽府開州界一百二十里西南至古樓臨交大定府黔西州界一百五十里東北至笋子蓋交四川彭水縣界五百六十里西北至大灣塘交仁懷廳界六百四十里廣七百三十里袤四百六十五里至

京師七千九百一十里

冊

按孫志府東西廣一千五百三十里南北袤四百

四十里東至貴州偏橋衛界四百八十里西至合
江縣界一千五十里南至貴州養龍坑長官司界
九十里北至綦江縣界三百五十里至省城一千
九百八十里至南京六千七百里至京師九千四
百里明統志武備志四百作七百明統志武備志陳志同據言
界至與今無異惟計里間多少不同至言東至偏
橋衛界此實改流前之播州領曰泥容山各長官
司時疆域所到孫志因舊界書之諸志竝沿其誤
實非遵義東境在康熙以前特多也若舊志西界
則合今廳地計之也

遵義縣

治附郭東至三度關橋交平越州湄潭縣界一百一
十里西至青坑塘交仁懷縣界一百三十里南至烏
江隘交貴陽府修文縣界一百里北至婁山關交桐
梓縣界九十里東南至合口隘交貴陽府開州界一
百二十里西南至右樓塘交大定府黔西州界一百
五十里東北至長灘塘交綏陽縣界五十里西北至
甕坪塘交仁懷縣界一百二十里廣二百四十里袤
一百九十里

冊檔

按孫志縣廣三百一十里袤四百二十里東至貴

州湄潭縣界六十里西至仁懷縣界二百五十里
南至甕安縣界三百里北至桐梓縣界一百二十
里陳志同據此所計道里與各縣竝較今多少懸
殊當時取道不同遠近自異惟不載四至地名遂
致茫無指實今亦條各縣後用備參閱而已

鄉凡四曰東曰西曰南曰北

編里凡十三曰東隅曰通平曰樂安爲東鄉曰西隅
曰天旺曰沙溪爲西鄉曰南隅曰忠莊曰清潭曰平
水爲南鄉曰北隅曰永安曰大溪爲北鄉里編十甲

凡一百三十甲

續冊孫陳
二志同

正安州

治在府東北二百六十里東至老鷹關交思南府婺川縣界二百里西至蟠龍河交桐梓縣界一百里南至長礮交綏陽縣界一百里北至米糧地交四川南川縣界一百一十五里東南至黑溪溝交石阡龍泉湄潭婺川四處界一百四十五里西南至草果山交綏陽縣界八十五里東北至白村壩交思南府婺川縣界二百里至筍子蓋交四川酉陽州彭水縣界三百里西北至羅巴塞交桐梓縣界九十里至郭村壩交四川涪州界二百五十里廣三百里袤二百一十

五里檜

按明統志州在府東二百二十里孫志州距府東
二百里廣四百里袤三百里南至貴州婺川縣界
五十里西至綏陽縣界二百里北至南川縣界二
百里東至武隆縣界二百里陳志與孫志同其四
至就潘子園舊州記之非今州之治

編里凡四曰思寧曰德溪曰三江曰小溪里編十甲
三江小溪各少一甲凡三十八甲

檜冊孫陳
志同

桐梓縣

治在府北一百二十里東至羅五山交綏陽縣界五

十里西至牛渡河交仁懷縣界八十里南至婁山關
交遵義縣界三十里北至界牌交四川綦江縣界二
百六十里東南至石炭關交遵義縣界五十里西南
至楠木廠交遵義縣界四十五里東北至大地溝交
四川南川縣界四百五十里至深坑交正安州界四
百二十里西北至水潦交仁懷縣界一百六十里廣
一百二十里袤二百九十里

按明統志縣在府城北八十里孫志縣距府一百
二十里廣二百里袤二百八十里東至真安州界
二百一十里西至仁懷縣界一百里南至遵義縣

界二十里北至綦江縣界一百六十里陳志與孫志同

編里凡五曰東芝曰溱溪曰廬溪曰夜郎曰婁化里
編十甲夜郎多一甲凡五十一甲

冊稿

按孫志里凡七東流苻芝葫蘆大溪溱溪夜郎婁
化陳志里凡五東芝舊東流苻芝併蘆溪舊葫蘆
大溪併餘與今同其併省當在康熙初年

附李晉桐梓疆界說康熙甲申秋兒子詩自渝歲
試歸問曰往經綦邑太公舖見路旁巨石刻溱州
界至此五字由綦邑過母渡見有桐梓界至此石

碣問其居民乃綦民綦地也間里許問之則桐民
桐地也行數武又爲綦民綦地如是者至扶歡壩
皆然此何故予曰爾欲聞綦桐錯壤之故耶按唐
建夜郎縣在今桐梓驛屬播州乾符初陷於南詔
楊端恢復之自長者五十餘年宋乾德平蜀俾楊
氏世長其地而改播州爲遵義軍建溱州於元田
壩未久改設扶歡縣在今扶歡壩中逮明封楊氏
爲播州宣慰司統數長官司而各州縣之名咸泯
萬厯中改土設流仍溱州扶歡所轄之地欲設縣
於三元壩不果乃創城於魁巖站之右緣桐梓驛

廢縣而名桐梓今邑是也揣前人意建縣於桐梓
驛與三元壩者宅中之勢也置州於元田壩者就
田牧也設縣於扶歡壩者壯形勢固邊圉如珍州
城隔江卽武隆彭水地仁懷城隔江卽合州地也
創今邑者惑於風水之說也蓋桐梓界至若細腰
然南起婁山關北至母渡河約三百餘里今縣治
抵婁山止二十五里東抵綏陽界三十里西抵仁
懷或七八十里或百餘里不等北行三元壩足百
餘里而三元壩東抵正安界近三十里西抵仁懷
界不及三十里

三十探冊
作二十

下至婁夜二里東抵正

安南川地西抵綦江地則不下二百餘里四圍俱山脊爲封溪水作限悉有摩崖碑記故由界牌而下至趕水路東爲桐西爲綦由趕水至母渡溪東爲桐西爲綦由母渡東折而觀音橋而青羊市藻水漕以至南川縣莫不有自然不易之山水勒碣存焉此非近世爲然當日楊氏擅制於梁唐擾攘之秋已規定畫一者也藉非然者播州荒服子男何敢與天朝貢賦之地八百年犬牙相入哉觀劉縱征播營趕水數月必先力戰取扶歡壩以防抄襲而後大兵敢進九盤子是由母渡折流以東至

界牌之爲桐地也明甚地之邇南川者亦稱是焉
若桐地之失因明季蜀遭巨劫半死於病半殲於
兵室存人亡者數年是時惟遯無恙

本朝定鼎廣行招徠乃獨遯遑徭十倍於正賦而桐
民避重就輕因相率遷插於川西等處東蘆漆二
里去其十之七婁夜二里去其十之九是以康熙
三年除荒清熟現糧止一千有奇繼後婁夜二里
荒地有墾耕者具領承糧又避遠就近近綦者赴
綦近南者赴南且在桐係頂荒而賦重在綦在南
則報新墾而例輕誰樂爲桐民哉可知今之號綦

地綦民者已荒而復墾者也桐地桐民土著而未
嘗遷徙者也慨吾邑官吏以鞭長不及與爭向使
縣治仍建於扶歡或三元壩當不至坐視而失之
也詩曰今當如何曰王者有分地無分民雖各郡
也猶然同省也在綦在南猶在桐也語竟憶甲子
膺修志之命中多簡略悔其時聞見之弗廣也顧
詩識之俟來者有攷焉

綏陽縣

治在府東一百里東至萬壽場交平越州瀘潭縣界
八十里西至四面山交遵義縣界四十里南至鄭家

場交遵義縣界三十里北至雷家場交桐梓縣界三十里東南至對插壩交遵義湄潭兩縣界八十里西南至傘水場交遵義縣界六十里東北至九曲水及公館槽交正安州界一百五十里西北至羅五山交桐梓縣界一百五十里廣一百二十里袤三百四十里

按孫志縣距府東九十里廣三百里袤三百二十里東北至真安州界六十二里至涪州界五百里西南北各至遵義縣界三十五里西北至桐梓縣界一百二十里東至貴州婺川縣界三百里東南

至湄潭縣界一百五十里陳志同

編里凡四曰金竹曰朗水曰趙家曰望草里編十甲

凡四十甲

冊檔

仁懷縣

治在府西北一百八十里東至小溪里交桐梓縣界
一百里西至三合樹塘老虎岔塘交四川敘永廳界
三百二十里南至李博里交遵義縣竝大定府黔西
州界一百四十里北至二郎里赤水里交仁懷廳界
三百八十里東南至井壩塘交遵義縣界一百四十
里西南至黎民隘塘交大定府黔西州界一百三十

里東北至赤水里丁山里溫水北交四川綦江縣界
四百四十里又交四川江津合江兩縣界五百里西
北至甕坪塘大灣塘交仁懷廳界三百八十里廣四
百二十里袤五百二十里

冊稿

按孫志縣距府西八百里廣約四百里袤約六百
里東至綦江縣界二百里西至貴州永寧宣撫司
界六十里北至合江縣界三十里東南至桐梓縣
界三百三十里東北至重慶府江津縣界八十里
西北至瀘州界三十里陳志同此就舊仁懷縣四
至計之非今縣治

編里凡七曰李博曰安羅曰二郎曰小溪曰吼灘曰赤水曰丁山里編十甲凡七十甲

冊檔

按孫志里凡六仁懷赤水丁溪郎城安羅李博陳志里凡十增多河西吼灘二里分丁溪爲丁山小溪郎城爲二郎土城其增多四里乾隆四十一年分仁懷河西土城三里設仁懷直隸廳自是縣止七里

形勝

遵義府

西連熨道南極牂柯

孫志引舊志

土地曠遠跨接谿洞

孫志引圖經

地介川湖貴竹之間西北則塹山爲關東南則附江爲池蒙茸鑿削居然險奧川黔有事此亦碁劫之所

方輿紀要

千里幅員五城繡錯昔歸蜀郡止南界之邊裔今屬

黔疆實北門之鎖鑰

貴州通志

遵義縣

附郭

正安州

跨綏之左枕婺之東南川襟領於前武隆環繞其右

抗萬山之重阻帶二水之雙流

孫志引州志

介巴黔之間控蠻楚之要山溪環巨物產饒給西南

有事州實當其衝

方輿紀要

脉祖會仙河流乘鳳山谷阻深幅員遼闊

貴州通志

桐梓縣

婁山則金馬玉屏聳其前虎峰則蒼龍天祿擁其後

左有魁巖鼎山右有金鷲黃龍文峰疊嶂秀色爭奇

溱水龍溪襟流帶合有巖谷之險原隰之利

孫志引縣志

天作高山谿壑縈於鄧艾雲遮鳥道卻金糞於秦牛

叢爾郎州允哉巖邑

孫志

前襟潦水後枕虎峰千巖競峙萬壑爭流

貴州通志

綏陽縣

四山環保障一水帶提封牛羊雁柱平沙雲樹旌旗

天外控喉東楚捷控南滇關開則旅度冠山畚塋則

農歸岐下

孫志引縣志

桑木朗山地險可恃長灘渡頭天塹難越東連湄婆

萬疊羊腸北界正桐千廻鳥道

縣志

水繞提封山環保障蜀東門戶黔地咽喉

貴州通志

仁懷縣

懸巖四塞長江天塹萬里籌灣旋羊上圈屏播郡北
獨當一面夙稱天險路通一線危溪斷澗風愁雨

鑽嵌嶮巖要害之咽孫志引

前臨山澗後枕大江孫志

雲嶠山雄赤川水曲處郡城西北之隅爲蜀境錯接

之壤賁州通志

按明統志孫陳二志並引元史陳天祥傳重山複
嶺陡澗深林二語爲遵義形勝今考本傳乃論西
南挽運言且不專指播故從刪

遵義府志卷三

遵義府志卷四

山川

遵義山國也舉目四顧類攢香嶮巖無三里平偶是處則澗壑縈紆隨山曲直名之不勝名也書之不勝書也茲取古之所載今之所著按縣列之其要者可以知險隘其小者可以準里望觀某山之遼僻則思奸宄之藏觀某水之湍洄則思厲揭之苦求治者固不貴躋攀樓臺雕刻魚鳥自詡爲溪山增色也

遵義縣

犍山

華陽國志蜀志警故犍爲地警有犍山見保

乾圖

不狼山 漢書地理志不狼山豈水所出按卽明統志宣慰司北百里之大樓山陳志通志之婁山在城北九十里一名大樓峭壁插天路通一線爲郡北第一險要者也豈水卽正安三江源出桐梓綏陽兩縣間卽在大樓東樓婁狼雙聲字樓山東行至綏陽爲朗山朗山下又有卜老場朗狼卜老不狼皆雙聲字可知遵桐樓山與綏之朗山爲漢志不狼無疑而大樓最尊故又當以大樓爲主大樓爲遵桐分界明時楊氏於此設關拒守明史所謂萬峯插天中通一線

劉綎從間道攀藤毀柵入陷焉者也又有小樓山
大樓接山西巖最高處鐫四大字曰
盡處爲點燈山相傳劉綎曾營此點燈以攻對面之
水牛城今城壘尙存

降珍山 十道志唐貞觀十七年置播川鎮後因川
中有降珍山因以鎮爲珍州

高遙山 唐楊端人白錦時軍處見潛谿集

鳳山 在城東一里志孫形如鳳翥明統志按山中有打

龍溝入於湘水溝中出蒲桃石

筆花峯 在城東二里鳳山行至此突而爲峯下瞰

湘流七曲迴抱烟嵐四湧諸山皆朝下卽府學有井
曰金薤在教授署後

雙薦山 在城東二里府學後陳志按卽筆花峯左支

山也頭王雙犀鬚鬚競秀尾及於鳳朝關山下井泉
凡五一白沙井出上麓一小井在中營溝其下麓也
二井水皆甘冽宜茶一小龍井在小井東百餘步龍
神祠側一中龍井在小龍井東南百餘步巖下皆山
之南麓一大龍井在龍井溝天成石獅伏其旁山之
東麓也

青玉案 在府學前秀抱黌牆近挹湘水蘊珠井

學右出繞左折入湘

錦屏山

在城西南

孫茂林脩竹狀如錦屏

明統志

按

通志西作東誤山爲府治所據魏義矗立氣象端嚴

其上一稱勝龍岡左又稱龍樓山城繞麓至其顛一

水出東麓流入西門爲西門溝貫城出東右水門入

湘水一水出中麓爲櫻桃井供櫻桃街左右居人汲

俗名水井灣

府署學政行署皆有井又城南七十里亦有

錦屏山

龍山

在城北有寺

孫郡之主山也

明統志按今稱大

龍山與府治山相屬有二井一在山頂一在山腹皆

曰躍龍井二井相通冬溫夏涼陳志按通志謂龍山有

三井一在山足皆相通未知其審沿溪下里許有井
出石罅中曰北關井甘冽爲品茶第一然出低流數
寸卽入湘遇漲未可得也

小龍山 在城北二里與大龍對岸峙有廟祀川主
左麓爲鯉魚田田上小井常不涸主者鑿大之二鯉
飛出而井源竭因名也

插旗山 在治西門外形如樹旗體勢雄傑小溪出
南麓東流經南門外合易氏井水繞紅花岡足行至
東右水門外會西門溝水入湘易氏井通志稱甘美

清潔明統志謂泉味甘四時不涸古有易姓者居其側云

紅花岡 在城東南一里迤邐三平下平俗呼白虎頭峻削臨湘水當日落未落晚風搖江踞石四顧吳橋爭渡染桁收紅萬室鱗鱗夕嵐無盡究城郭之盛觀每徘徊而不忍去其下石壁橫罅細泉落白雖旱不枯形家謂宜岡腳卽磯通橋爲郡治關鎖前知府趙遵律有志未就去後有建砦磯北者形家又謂虎頭增齒大不利道光庚子署知縣楊書魁毀之八寨同知劉宇昌爲記

廻龍山 在城南一里強肉陰而骨陽骨者石也外
著者也其形硤硤角角壁者窟者窞者突者脊而下
迤者將而上累者鼓蓄丕思若墮而若飛者靡不駢
駁闐辨以合爲此山上干青天下臨沈淵而其氣一
洩於樹其樹直上數仞而不拔橫出數丈而不折隨
其石之高下楚楚莽莽而柯莖芴離可數每與高風
相遭則枝葉上下若江之潮海之濤其中朝暉夕曛
若螺蚌搖光於方丈員嶠也有伏泉息於踵冽而清
其聲泠泠嘗之則甘使人忘機唯智者別之泉背承
洞平慘深蚬川媚沙晴杖瓢在口時見一二人眠起

欠伸蓋山癯乞友習靜於此洞側石路垂綫陟者二分足在外壓後人頂每值眴眵藥牽藤引非甚僿狡莫敢問其徑也

金鐘山 在城南三里形如覆鐘氣勢磅礴縣學在其麓前有洗花井

湘山 在城東南二里孫志上有大德護國寺明統志山

怪石壘砌面湘一帶石尤蒼瘦古木千章清陰夾徑幽風徐引綠塵細霏炎天坐臥其間日影碎金時聞鳥語人境雙寂恍然世外也西南別徑下南轉得鶴池池舊名響水洞前守趙遵律擘窩鶴池二大字巖

上以易名洞高廣各丈餘揭入七八丈許石竄踞水中下深莫測更內日光不到無能究者洞嵌石色奇蒼如古劍鏽蝕其口可供萬家汲餘流入於湘池東南二百步有白雲洞在巖腰距江五丈許危磴屈上若登蓮峯洞廣七八尺深丈餘容鞠躬行舊時瀑布出洞唇乾隆末居民抑之出巖腳以灌田餘瀝注江裂練而下漾藻泳苔尙供小玩沿湘東南行里許爲木龍溪渡石砦達西岸里許有仙女洞通志謂城東五里者也今呼白馬洞

桃源山 在湘山北喬柯離立蔚然蒼潤山麓石囊

幽通南口矗石闌如蓮華幢中廣丈許高下多古刻
行數十武出北口天成圓窰奇石羅絡明統志所謂
桃源洞在元妙觀右彷彿武陵桃源通志謂石壁鐫
有仙詩者也繞窰出洞背爲會仙亭建自元大德二
年明永樂四年重修亦見明統志

國朝屢經補葺乾隆間郡檢討譚世職題其額嘉慶中知
府趙遵律重修復卽山顛建謫仙樓高廠雄麗目盡
城郭左爲碑亭置李白白田二詩並一時記詠右因
窰石成池魚藻其中上置小橋以通竹舫竹舫者緣
山斜下爲屋間字軒晚香閣待月山房皆藏其中其

修若舟故名竹舫舫之外古藤百尺糾出樹杪纓綫
四垂花如香雪繞南出與登樓徑會左右梅竹枇杷
梧桐之屬紛青錯白四時皆佳徑下門榜曰馬上聞
鶯處緣徑下折而南當洞南口爲入山來徑有仙界
坊折北至圓窰前岸三間屋反宇阿春是爲船篷皆
遵律營治馬上聞鶯者昔人以太白曾流夜郎白集
中有白田馬上聞鶯詩山畔適有白田壩遂附會謂
詩作於此不知所謂白田在今江南寶應白半道放
回本集自敘甚明無緣攬轡此白田也又乾隆己酉
知府劉詔陞據通志古跡有太白馬上聞鶯處引太

白詩春浮蟻綠醅初熟暖入鶯簧舌漸調云流夜郎
時作因刻碑洞口考二語白集無之見歐陽修居士
集則歐陽詩也類函及廣事類賦引鶯簧句皆云太
白詩蓋承明人類書之誤通志未之察也竹舫右良
佛寺木樨蔭砌鐘唄震巖亦頗幽潔道光庚子署和
縣楊書魁填洞口圓室與前岸平建上閣側廊左廊
址幾逼洞額大雨時至石罅生魚而棟宇炫晃氣奪
林巖貴遊羣屐村郭夫娘往來不絕

雷台山 在城東四里形如覆釜上廟祀雷祖廟後
有佛寺寺前牡丹百年物也花時萬朵嫣紅觀者爭

席

空谷 在城東四里鳳山之背峭壁彎環石皆欲落
石下出井古蘿葢之散髮卧其韓頓生奇想前有廟
祀真武

龍鎮山 在城東十里一名高巖山有川主廟通按

龍鎮高巖乃二山龍鎮在高巖上里許川主廟舊在
龍鎮上建於唐時後圯移建高巖通志因誤謂一山
也龍鎮右有洞名天神宮洞中水味絕甘晨重晚輕
冬可醕面夏則沁骨旱澇不涸溢鯈鯉出其中生取
置他水則不能游泳復置洞水游泳如故昔有求子

爲人害乾隆間有王道者伏之怪乃已道者死焚側

香風山 在城東二十里上有石洞石几俱出天成

孫志按山上怒石崢嶸高十餘丈有穿洞疊石爲橋

足有洞巖上篆靜懷深處四字俗呼靜懷莊又名空

殼山

冠子山 在府北十餘里萬厯中劉綎自樓山關進

營白石口楊應龍自河渡突至官軍大挫次日復戰

賊敗走追奔至冠子山

方輿紀要

玉屏山 在城東二十里有寺

陳志

按山周數里高數

百丈明僧語嵩得戒西山木皮庵初建尖峯寺于尖
峯繼建慈雲寺于此山今易稱神山寺建寺時地荒
僻多蛇虎語嵩往來若甚帖服者年過百歲乃化又
通志城南四十里亦有玉屏山

聚秀山 在城東四十里一名水圍山林壑隱秀望

之蔚然山麓有清乘橋有大桂樹旁有仙女冢橋巖

右有太極洞陳志按通志水園作水園誤山高百餘仞

秀出羣峯仁江自左而右圍繞之隔岸有大白石山

與對峙

板角山 在城東九十里極險孫志按俗名鹿山相

上有吉地人莫敢阡阡輒風雨冥晦右有通濟橋下有楊青青龍二堰水繞其前

越寧峯 在城東四十里相近又有十三峯

通志

滴水巖山 在治東南五十里有石洞可容萬人

孫志

水牛山 在治東八十里周三里許其陽田稜繞麓

林竹幽蔭陰則懸崖巉絕冠柏釣蘿迴非人境樂安

江緣其尻來分支出尾下乃循右腹而唇回爲潭深

莫測是曰大回復循左腹周于尻與尾支會爲潭是

曰小回山蹲水中如水牛也尾上有我山

子午山 在水牛山東一里如堂如防竊然高秀其

前小鬟照池陰眉陽頰一泉出頰下絕甘冽藻澌溪
白山北十里許積澗成流經其下緣山回轉入樂安
江

三台山 在治東八十里高四百六十餘丈勢斗絕
遞得小平者三曰上中下台故謂三台也臨上台顛
四面百餘里皆在掌握舊有川主廟久圯乾隆三十
三年里民黃某忽狂走負神牌之山顛眾因卽址重
建甚響廟有巨蜈蚣禱者苦之道光九年斃于雷下
台有文昌廟自山半至頂無雜樹古柏千章蔚入霄
漢對峙者爲金雞山

營平山 上平可容萬人明時有總兵周某營此山
去三台里許

金華山 在城東百里林木豐翳山勢翔聳若鳥翬
寺曰金華著翼上創自明萬厯間有碑寺下龍洞四
時不涸中橫石如龍長丈餘鱗爪蜿蜒動又有石如牛
眠寺前里許二石筭高可二十丈石有天生橋洞水
遇大旱輒渾水泛溢城南四十里亦有金華山

鐘峯山 在城東南百里山麓卽三渡關山腰石壁
有鐘峯二字僞永厯時所刻上則古木槎枒危巖則
劣頂有鐘峯寺下有靈官閣又有京觀碑字大尺許

相傳明末周提督追馬寶過此左有大營坡望軍山
山麓有數井冬溫春水溫多尺鯉

雲門壘 在城東南百里高百餘丈兩山合頂如駕
橋其下亂石林立樂安水繞石縫中噴白蚰綠二百
步會涓水當其觸穹衝擁雲戰雪開聲聞數里通志
謂樂安水穿出袁門壘山此也壘東西分涓遵界壘
北半巖木槲傳二百年前有之今猶如新壘南半巖
有三尺道道旁石若碑者高丈廣三四尺厚二三尺
拳石承之甚固人或登其上不少動壘下當漲退可
緣石左右跳往來釣魚遵涓同簪仰視壘頂如藻井

倒茄披葩狎獵蓋合抱樹也俗呼爲倒生樹東巖畔
雖晴日時灑白雨濺珠散璣其中絕風涼外自三伏
恍然秋杪

真武巖 在城東九十里高可百丈以形似名上有
危石自崩墜則鄉中必有登科第者巖北里許有洞
口徑四五尺許洞中水若一日三漲晴必雨雨必晴
應不爽漲時水及葫蘆堰口卽止又城北二十里靈
德山下溪旁泉曰必三漲又數里六井溝有泉亦如
之皆名三漲水

兄弟山 在城東百里兩峯突起百丈不與羣山接

其頂正圓亦相似

六洞埡 在城東百里俗名打桶埡山橫若屏峭削

石仞路從山埡之折行埡上數石筍皆數十丈下有

溪貫踵伏流十丈許出爲魚泉河下流入樂安

江山腰有洞頗寬廠

師子山 凡二一在城東北四里鳳山背也上有寺

臨演武場一在城東百三十里形如蹲師有佛寺著

口中其首戴文昌閣茅坡河經其下上流三里許有

白溪水入之其水色白日三漲鳴聲如雷河干有仙

人洞中石龍數十蜿蜒起伏各各生動有潭四時不

竭頂多石乳洞絕深窈入可數十里莫能窮也遊人至洞中輒先有男女足跡若前導然而不見人故謂之仙人洞

高棟山 在城東百一十里石螺湧秀雙峙雲表中有三泉流爲瀑布亦名三漲水

主龍山 在城東四十里清乘橋畔懸巖峭壁俯瞰江流上有佛寺

尖峯 在城東北三十里秀削入雲周十餘里

關門巖 在城東三十五里兩巖錯峙各高十餘丈

仁江曲屈經其間數里至清乘橋也一呼關門石

筆架山 在城東五十里高百餘丈頂起三峯山足有泉鳴聲徹二里時作時止旁有玉屏山
大字山 在城東四十五里峭石聳立成大字下有水縈紆爲大字溝

仙人山 在城東二十里山顛石上有棋枰有五尺許足跡二一在山麓通志玉屏山相近有仙人山卽此靜懷莊在其旁又城南四十五里亦有仙人山上側開一坪一石高丈許立如人面目皆肖呼石仙人又呼石和尚舊有屋宇之求福者時至以爲靈也又城南八十餘里有仙人巖峻削出山頂遠近數十里

皆見雲常護之傳有仙人現影雲中巖間有洞具床
棹有犀牛足跡大徑尺或二尺深五六寸皆石成天
然有鰲魚寺

尚書坡 在城東二十五里坡陀鬱秀幽徑宛通梁
家溪經其下有杏花橋羅其昌所建

牛星山 在城東七十五里尖圓特聳數十里內皆
見之

金帶頂 在城東南七十五里高百餘丈亘五六里
懸巖下兩河水經之

禹門山 在城東七十里巨巒深翠林壑翼然西面

積巖懸壁古木修蒼樂安江經其下回爲深潭中有
巨鼃出則波光皆金樹石晃漾相傳僧丈雪垂釣得
此解杖頭金環貫諸頸放之至今猶存又有巨魚修
丈許者二時有見者山右爲石牛山丈雪建蕉鹿塔
其上又右爲梔岡上多蘆蒲又右爲青山古柏冠其
顛

月眉山 在城東七十里秀若初月康熙二十年張
國珍建香雲寺其上董子策記之

飛雲石筍 在城東百四十里水田頭江中屹立十
餘仞周可半里頂有水懸流如綫有飛雲菴舊碑漫

滅莫究所始

望州山

在治南十里

陳志

按登此可望郡城

六寶山

在治南四十里

陳志

南宮山

在城南十五里又旁有三木山又三十里

有天臺山

通志

按南宮以舊有廟祀南將軍名山東爲

長嶺岡橫亘可十里

綢紫山

在城南六十里峯巒稠密蜿蜒數十里南

北盡雷水白泥兩堰顛有嵐氣可占晴雨旁有金竹

馬鞍插旗茅蓋諸山皆其支分也茅蓋在城東南八

十里下有吼落洞出泉可灌少田遇久晴雨中出聲

如雷聞數十里則雨晴應之居人以爲驗吼落者言
洞吼則雨落也

常山 在城南五十里與縹山接首尾蟠屈若蛇有
坐雲方廣二寺有龍泉成溪

老營山 在城南百里極雄峻險隘橫控東南俗謂
馬滾坡上故壘存焉有泉出其頂

捉龍山 在城南四十里舊爲川主顯靈處上有寺
及將軍趙贊祠其下有大都堰堰南里許有鹿蹄堰
北里許有軍築堰東二里有菖蒲堰桶井堰龍塘皆
可灌千畝田餘流入養馬水山東銀屏山有通書坪

舊傳交兵通書處兩山遺壘猶存

王林山 在城南五十里林木森秀

九嶺岡 在城南六十里諺曰九嶺岡去聲九箇蕩九

獅回頭望

尖峯嶺 在城南九十里其東屏障逆水中突三峯

秀挹百里其西翠屏挂榜龍寶香爐諸山皆分支也

雙照峯 在城南七十里與綢山近突起雲表二頂

相差形如猫俗呼猫山下有報國寺北有小山曰燈

籠又東里許有飛雲菴

龍巖 在城南八十五里削壁千尋石色瑩白下右

折里許有細鱗洞產細鱗魚巖左里許山下有明洞
敞潔可容三千人中有泉出洞口分十餘道噴珠而
下洞對山有黑洞中絕幽闇亦有泉垂瀑布數十丈
會爲溪土人引以溉田可數千畝下流二里許納細
鱗洞水爲高車水又二里合團溪水又三十里入於
戲子灘明洞上疊二洞人跡罕至

石介峯

在城南五十里秀拔若玉筍四望皆同

筆峯

在城南九十里尖秀可玩邑主事李先立宅

其下有詠記俗名尖坡

斜巖

在城南百二十里相近名把巖怪石巉巖古

藤奇樹錯亘烏江旁三四十里接開州界上有旋塘寬數里可耕

萬丈林 在城南百里高壓南境下有洞日渾水三出可灌田名三潮水

白雲山 在城西百六十里卽通志城西南二百里陳志治西百二十里之巖孔山袤數十里東屬遵義西屬黔西郡城山脈自此來山下石壁有洞大徑丈許水涌出名曰大泉冬溫夏涼南流十里入沙溪經三漲水東入烏江通志謂有石脈涌泉卽此又謂爲烏江發源不足以當之也山北十里爲木來關山南

五里爲巖門關皆遵黔分界山東北下支巖爲文峯
山山下石洞穿數十步名曰天門又曰穿巖昔大道
卽經洞中巖孔之名亦以此巖間奇石差崢錯以古
柏明總鎮張輔周建穿巖寺其中東南下支巖爲天
壽山絕壁削成石笋排拶有玉皇閣亦輔周所建並
捨田以備香火山中有小池不竭不溢落葉池中飛
鳥銜去山最高處峭壁上似有數大字人不能到末
從諦觀山上屋址相傳有仙人居焉山下大泉潄池
徑數十丈灌田數千畝舊碑載萬厯四十五年鎮守
張輔周參府中軍高世用奉調彈壓水西一營巖門

南一營其北巖北千峯環聳中通一道名水源清者尤爲要隘明史載洪武十五年城沙溪以官兵一千士兵二千戍之卽在此今舊址猶存

放牛山 在城西十五里爲府治鎮山二十里有馬坎山繇三十里有天馬山繇按二十三十皆以距城言陳志謂天馬山在城西三里

團巖 在城西百六十里巖孔壩突石圓削周百丈許鄉人建塔其頂

元寶山 在城西四十里上有溪水瀑布孫按四十當作七十山綿亘十餘里中起雙峯攬遵弄黔有三

井泉東爲牛角井入游羊溪土中孕石往往如牛馬
北爲梅子井皆瀑布成溪南龍井水清冽沁骨皆入
毛栗溪

大水田山

在城西南三十里下有天池

孫可資灌

溉相近又有崆峒山

通按通志三作四誤崆峒在馬

坎山東旁今謂之楊梅台大水田山今謂之紫金山

上有寺天池在其下俗呼大水堰周九里七分絕山

而堤其東通二孔以蓄洩水可灌田萬畝北石洞若

覆半鐘曰鶴鳴洞壁上有顛仙題刻西池之二源人

池十餘丈有小山西南有天池寺創自前明傍爲楊

氏太平莊舊址池中荷花白紅參差葢水競長夏日
最可觀

雷變山 在城西八十里麓有池寬平數十丈通志

灌田萬畝孫志

陽半山 在城西百里亘三十餘里山下卓午始見

日故曰陽半

洪關山 在城西八十里山下有溫泉孫志

石笋山 在城西百里突出如笋孫志高插雲霄通志按

今謂之華表

桐星山 在城西八十里形如覆鐘

碧雲峯

在城西十里

孫志

四峯並峙中

一峯迥出色

碧如雲碧泉在麓其水澄碧

明統志

按峯上舊有亭邑

主事李先立有碧雲峯亭記又城北七十里板橋場

側亦有碧雲峯足攬一方之盛有寺古藤最佳

老龍壘

在城西南七十里

通志

砂岡山

在治西五十里

陳志

按砂岡去城實七十里

又名白牛山或省白云牛山相傳山有石類牛嘗夜

出食禾爲人擊斷足乃止故得牛名或謂山在霧雨

中觀之如白牛也有寺曰圓祐頗壯麗順治間僧天

語建乾隆間重建萬松垂陰夜濤吟風足以動盪心

魂前條凡想也

桃溪山 在治西五十里有小石洞楊僧巢此今毀
志按當卽通志所謂桃溪出處城北六十里之上莊
山實在城西北

堂臺山 在城西百里下有溫泉隆冬可浴泉又名
熱水平疇中凡三四源灌田稻熟獨旱惜出庫不能
多引溉泉流入於黑水土人云溪漲時水渾溢數丈
此泉貫其中清澈不淆又城北二十里圓門觀王家
寨亦有溫泉二源一不可著手一可浴

望軍山 凡三傳皆昔用兵時登以望軍者也並在

城西一西四十五里可望樂民城一西百里出羣山
上朗潤巖重中起三頂黑水繞其東有虎跳石南平
疇爲楊氏舊莊西石壁懸若筆又名石筆也北有棺
巖峭石凌空飛猿莫度半壁洞口置朱棺遠近皆見
之或出或入莫測其由有縋藤視者見但空棺或中
有蛇虺歸多不利一西百六十里可望沙溪廢城
七連山 在城西北九十里又名七尖山陽秀而陰
峭帳揭襟披峯連巒續爲郡龍後身西水爲帶潮南
水爲湖陽東則大小竹流二水實樂閩河源也孫陳
二志及通志雷變山疑卽此山旁有石牛山山南蹲

石砮牛其東有老鵝山頂平出泉

虎聖山 在城西百六十里與白雲洪關南北接橫
亘數十里仁懷分界處也

馬鬣嶺 在城西百里水分南北路通仁懷亦郡龍
過處

寶峯 在城西南五十里山拔起平原中體皆石成
老樹森錯去顛數十步南向一洞口高闊二丈稍入
漸低行三十步外則平坦軒廠高可三丈闊五丈許
進十餘步復束而小僅容一人入斜下數十步宏闊
倍前洞頂垂乳玲瓏若寶蓋若蓮花若瓔珞若牙籤

貝葉若飛鳥遊鱗千奇萬態不可名狀遞下愈深甯
昔有人結伴秉燭輿折下行可里許遇暗溪深淺莫
測不敢渡而返卒莫得其究竟山半左右兩小洞皆
可入與上洞通大抵山腹皆空也上洞口廟祀川主
香火極盛稍上有觀音堂頂爲玉皇閣極高可眺遠
山麓廟祀關帝石徑藏萬木中盛夏不熱明高僧語
曾挂錫山上結菴趺坐未幾之山右恆澤院又寓
砂岡白牛寺尋走滇莫知所終川主廟卽其結菴處
也

應靈峯

在城西南九十里又名點燈山有古刹

蓋山峯

在城西六十里孤起平疇中春漲大至白

波環山亦一奇境上有寺明萬厯四年羅廷榮建下

有泉可灌千畝田

九子望

在城西百二十里自南而上九峯層累

九倉林

在城西四十里遙護邵城

拖木山

在城西南八十里下臨烏江雄界西南境

上

眠象山

在城北十五里其相近者曰蘭山曰白鹿

山通志

龍山

在城北五里冠林帶溪大道側邱壑之秀

異者上有勝龍菴碑菴建自前明址在山足

芝山 在城北五十里

陳志

蟠龍山

在城北

孫志

龍巖山西首尾蟠曲如龍形

明統

志

按方輿紀要作盤龍又治北七十里亦有此名

紫霞山

在城北三十里

孫志

上陽子修煉處

陳志

按上

有明萬厯間

鄒志學爲顛仙撰碑云涵蟾子煉丹所

涵蟾豈卽上陽乎有顛仙石室山後峭壁百仞爲捨

身巖巖半人不能至處有鑿成石洞約可臥人傳有

異僧縋居此後莫知所往疑卽飛霞顛仙輩耳嘉慶

七八年來巖間夜常有木魚聲伐石聲遠見雙燈隱

約旦視巖下多新鑿石屑鄉人以繩自上總觀僅於
石罅獲一小木板不知何怪也至十四年大水出巖
穴中壞民居聲燈隨水去後遂無所聞見豈蛟蜃爲
孽耶

萬年峯 在城北三十里紫霞後山一名千歲峯陳志

龍巖山 在城北四十里通志巒盤曲方輿紀要怪石巉

巖明統志按龍巖今無此名考海龍壘有楊應龍示諭

龍巖壘巖禁碑所言龍巖卽海龍壘也其言龍巖稱

先侯設險而自署海龍壘驃騎將軍則龍巖舊名海

龍應龍改稱耳

海龍壘 在城北四十里居萬山之顛通志四面斗絕

後有仄徑僅容一線楊應龍倚爲天險於固前築九

關以拒官軍方輿紀要上有飛昇巖今建寺於上通志按孫

陳二志四十作七十

定軍山 在城北四十里孫志龍巖山東明統志唐咸通

中楊端擊南詔駐軍於此因名方輿紀要按孫志僅言唐

楊端駐軍於此通志沿之唐下增宣慰司三字非

永安山 在城北六十里外高內平有田二千餘畝

有楊舍舊莊孫志按山與大樓接蜿蜒數十里中有永

安溪時見時伏北有香爐巖南有白馬巖西有常字

山皆以形名下爲永安莊及廢永安驛遺址尙存

巖門山

在城北六十里兩山對峙如門

孫志

太乙峯

在城北五里

陳志

形如蓮花又名蓮花山峯

乃花心也

伴雲峯

在城北四十里又名黃琮巖一峯插天懸

巖如削上有普賢真武川主寺廟雷常繞其內

陳志

按

峯拔起平原自南觀之野竹上霄孔屏霞舉北觀則

怪獅怒蹲矯首欲動峯頂石穴出泉頗甘冽腰有洞

內盤二石龍下亦有洞東西各里餘有印把山印盒

邱通志黃琮作黃鐘

藏王邱

在城北十五里前有蓮花月池

陳志

金藏山

在治北四十里

陳志

按北二甲有金藏寺

七星山

在治北三十里

陳志

白雲頂

在治北五十里與龍巖連

陳志

按今稱白雲

臺在金頂山後左右水源左湘江右桃溪也

倒坐巖山

在治西北二十里有石洞飛泉

孫志按通

志於滴水巖下書此倒作列誤

交机山

在城北三里形若机

鹿鳴山

在城北十里蓮帳紛披排接數里中有五

嵩外環二水

大堡山 在城北十里下有龍塘周五十餘丈灌田
盛夏不涸塘旁有筆架石

兜鑿山 在城北十五里頂似兜鑿俗譌東門山

玉嘉山 在城北十五里中起一峯照人如玉

巒全山 在城北二十里面起秀峯腰如繫帶

橫檐山 在城北二十里形若一字下有古寺名三

根樹

劄營台 在城北二十里與橫檐接而高幾倍之昔

人劄營處俗譌架陵台

茅衙山 在城北二十五里頂有橋曰天橋逆酋楊

應龍所建下有茅衡寺有城址應龍小妻田雌鳳所修寺中舊有數碑父老云羅縣令椎壞

福來山

在城北三十里上有蓮華寺下有石堡洞

九龍山

在城北四十里又名金鼎山削立萬仞可

望大定城雲霧窈窕常集其顛必甚晴始徹山分九支中入郡郡龍少祖山也頂有佛寺香火甚盛寺下出泉足供僧用俗傳昔有僧苦行此上汲水必下山往返動二十里一日泉忽涌出若神相之泉可療疾此僧自製金桶日坐其中及寂以桶自覆命其徒守之九年乃開其徒倦於守三年卽啟致不成佛人因

呼金桶和尚寺爲金桶山爲金桶山語譌又爲金
鼎山也山中生我眉茶味頗苦有二石大數十抱名
牛眼石若誤爲野火所燒主正安城火明崇禎間僧
普濟重建寺

國朝康熙間僧嵩目增寺於山下竹野繼之山有楊氏別
墅在焉見唐廉記下寺舊名金瑞今稱九龍

文心山 在城北三十里又名牛青山拔起眾山厯
亂中半山旁湧小山名馬鞍山上有萬福菴萬竹裏
之渾忘炎燹下產葡萄石黑質白章菴中布地及來
徑皆是物也駱王圖有記

臺鼓山 在城西北六十里下有洞曰魚孔多魚泉
流入桃溪

水腦山 在城西北六十里南爲棲鳳坡有水入樂
閩有四應橋坡北水入桃溪

鹿臺山 在城北七十里又名鹿遜山一峯特起周
望數百里山舊多鹿居人以鹿鳴爲瑞

香爐巖 在城北七十里形似香爐

七寶山 在城北八十里卽小樓山東支林巒深秀
環悠遠屯帶仁江水有古剎建自明洪武元年

大神山 在城北六十里下峻上平後有平播時舊

壘前有寺創自明萬厯間下爲小神山廟祀黑神

飛梁山 在城北四十里自雞喉關下蟠結二十餘

里餘支則爲鷄公山形若鷄

四面山 在城東北四十里仁江繞其下面面異狀

皆呈妙觀

七星山 在城北三十里七頂蟬聯如貫珠爲紫霞

對峯

插旗峯 在城北六十里永安山旁孤峯突起上有

大石穿眼相傳劉綎插旗處

觀音峯 在城北三十里與七星山近又名點燈山

若大士趺坐山半依洞建佛宇

槲栗岡

在城北五十里相對有老虎山

血神台

在城北六十里石柱層出

分水嶺

在城北百里峻嶺橫空石壁巉絕中通一

徑遵桐分界亦要路也嶺北有木平林嶺南有蘇箭

棚左右懸巖盤腰鳥道皆可通桐梓

師子岡

在城南四十里岡下產石龜形與龜無異

獲者以水養之其聲如雞雛時吹泡如蟹眼久之自

易其處

緝麻山

在沙溪西楊應龍叛遣其子朝棟守沙溪

緝麻山防永寧貴州之師

方輿紀要

卿雲洞

在城北十里相近又有景僊洞

通按陳志

有景星洞在城北十里無景僊通志誤也

八音洞

在城東十五里

陳志

按今呼麻汪洞實在城

東南十五里之三漲水濱石洞深大無際值旱久則

聞鐘鼓鐃笛聲輒自內出鏗鏘如真合節可聽深入

愈明了三日內必雨若聲止不雨旱尤烈必再聞始

雨雨久欲晴亦聞之不知者以為村闔婚嫁祭賽也

李村洞

在城西百三十里遵仁

縣志書可容萬人底

平自成阡陌又呼千坵田兩壁天散龍一一青一

黃頭角生動口出泉灌田格中四季不絕

雲龍洞 在城西七十五里白臘坎旁俗謂迴龍洞
洞處曰石魚巖臨溪環山林岫參錯入洞一石柱大
數圍其西若小屋少進則次洞若干葉蓮若佛手若
雜花果懸綴左右又進則中洞頗宏敞斜曲而上石
柱或三或四或五叩之鏗鏘作鸞鳳音經小孔微風
不斷少出則爲四洞若三門旁門一啟一閉中石獅
守之門之外爲五洞復行仰見日光是其上口攀絕
壁可出洞中人物象靡不具皆石乳所成但深黑須
燭乃可行也

龍鼻洞 在城東十里洞二孔似鼻中出水灌田旱
常不渴上爲老蛇巖有一巨蛇其蛻至長五丈

石佛洞

在城東十里幽敞奇幻中足銷暑

三官洞 在城南三十里中有潭繞潭而前有石人
三冠冕畢具映水欲活知府趙光榮題曰玉堂勝境
佛殿孔 在城南三十里曲折而進中多怪石不一
其形洞外有寺

湘江

在城東

通志

亦曰穆家川四裔傳遷遵義軍於

穆家川是也

方輿紀要

源出龍巖山麓流經湘山

明統志南

與桃溪水合紆回五百里入烏江

陳志按湘江自源至

烏江才二百餘里陳志云五百里而通志因之誤

九折河 治北二十里入湘江孫按通志會川河在

城北五里又名九畝灘卽此水通志言其下流也陳

志九折作九疊

海龍塘 在治北三十里出海龍里入會川河孫按

陳志會川河卽九畝灘與新橋龍巖水合此塘亦龍

巖水也

洪江 在城東四十里陳志源出大樓山合仁江入烏

江明統志

仁江 在城東南五十里陳志源自永安驛山澗下流

合湘江入烏江明統志

烏江 在城南八十里通志 明統志宣慰司東源

出水西閩地繞播州南與湘洪仁三江合經思南府

轉入涪江明統志

芙蓉江 在城北二十里又正安州亦有芙蓉江通志

金鼓潭 在城南四十里出雷變山合樂間水入湘

江陳志按潭即樂間水非有別流陳志誤

泮水河 在城西百四十里流如半月陳志按泮水出

洪關山南乾河壩流入沙溪

洋汪河 在治西六十里係按此水即湖江今上流

名湖陽水下名汪汪水

樂閩水 在城西南四十里源出雷變山東流八十

里合湘江而入烏江通按明統志樂閩作落閩云源

出水烟里東流入烏江今驗此水合渭水入烏江通

志云合湘江誤

樂安水 在城東七十里源出綏陽之金竹里南流

爲綠塘河經樂安里穿出袁門塋山與烏江合通明

統志云山筋竹平里山澗轉流入烏江舟楫濟此無

險得以樂安

湄潭水 在城東一百里源出湄潭縣經三渡關外

流入烏江

志通經思南府達於黔江

明統志

龍坪河

在府南四十里

黑水河

在城西七十里出洪關入偏巖

沙溪河

在城西一百里源出巖孔山流入烏江

並志

鳳凰溪

在城東四十里有石洞

陳志亦名長灘

通志

桃溪

在城南十里源出城北六十里上莊山溪水

匯流爲羅家河至壩竹水羅會水

通志至縣學前與湘

江合流入烏江

陳志

龍馬溪

在城北十五里

通志

母豬塘 去治西北百二十里出安羅入桐梓孫志

八角井 在城北十里

雙桂井 在城北十五里並陳志

龍泉 有二一在府治北六十里一在正安州西南

六十里俱深澄莫測相傳有龍居其中通志按明統志

云龍泉一在宣慰司北二十里一在真州長官西南

六十里云云二十六十里數乖異正安城亦屢徙未

可以通志爲據也

海風井 在城西南八里井上多風相傳昔有異人

指曰此南海風也遵義有此可保永無劫難矣通志

珍珠泉 在城東二十八里方塘盛之闊十許丈水
旱不涸四時澄清泉脈湧白沙中纍纍數百珠大小
相貫至水面乃散甚可玩也中產一目魚俗呼獨眼
龍塘城南九十里又有聯珠井水出如聯珠
五珠井 在城南七十里平地出泉人經其上則連
噴五珠清圓可玩

驟馬井 在城南五十里清涼沁髓供千家飲餘亦
灌田

受采井 在城西九十里楓香壩清泉半畝冬溫夏
涼尤宜染采

關刀井 在城北十里旁有石若刀形水可溉田
上龍塘 在城東七十里深不可測旱潦不涸溢三
面懸巖陰氣凜凜相傳昔有水怪曰馬韃每入過出
若張猩氈即裹以人間里許有下龍塘水灌百頃田
清潭井 在城南四十里深丈餘味絕清甘清潭里
因以名

雷水堰 在城南七十里周三四里中有九井灌田
數千畝餘水入蘆江小山築成踞水心舊有亭閣今
圯猶古柏存焉盛夏紅荷環山甚可玩旁有雷音寺
及楊輝墓堰即前明楊氏所築

白泥堰 在城南四十里周五六里一望澄濶多菱芡灌田數千畝餘水入三岔河

八角堰 在城南六十里又名八幅灌田餘入構江

石家堰 在城南八十里中有龍井

樓子堰 在城南八十里並灌千畝田

大陂堰 在城南四十里陂犀牛水以灌田犀牛水

耆水邊有石如牛

雙龍塘 在城南二十里上有樣子井共流成溪灌

田數千畝入三漲水

火焰龍 在城南三十里平地出水匯渠灌田二千

餘畝餘流入深溪

龍坑 在城南二十餘里大道右周半里弱深莫測灌千頃田餘入桃溪坑源伏流距里許一小洞道光十八年旁居人某苦塞水上出坑驟落大利已田且彌鄰潤起訟百數署知縣楊書魁勘去塞坑復乃已清潭 在城南五十里又名八角井

紅井 在城南五十里又名瀉洋溪遇旱則水赤潭井並灌千畝田入三岔河

大寺河 在城南五十里灌田千畝入三岔河

西坪泉 在城東南九十里周十餘丈灌田數百畝

餘人于綠水

大寨塘

在城南百里灌田千餘畝

葡萄井

在城南七十里灌田二千畝餘入高溪

蘇池

在城西南三十里池著山間周三四里灌田

無多

螺螄堰

在城南微西七十里大道附近堰有三今

各爲名一楊堰一大堰一南宮堰皆可灌田上有螺

螄水泉出大石上穴中相傳元明間農人吳漢性誠

篤事母至孝過壯未娶母沒後一日耕歸飯已先熟

漢潛伺之則有女代炊卒人不知所往他日耕畢飯

仍熟如是三年漢密窺得女來逕自石穴螺壳中出
因匿其壳女不得去遂畱爲夫婦生子女焉值旱漢
苦田乾女曰還我壳卽能得水漢出示之女化螺入
穴而沒穴忽出泉遂謂其泉曰螺螄水其下堰亦呼
螺螄堰今漢猶有後人

龍魁堰 在城西南六十里凡二堰唯一可灌田餘
入樂閩河

龍坑口 在城西南七十里下合瑪瑙水灌田數千
畝餘入蝦子河

青坑洞 在城西七十里樂野壩石洞中水舊穿山

東流入池坪多沒田僧南桂堤之入南洞至宋氏坑
出可灌田數千畝餘入沙溪

茶園塘 在城西百一十里山岡上湧泉成池周三
里深不可測引灌數里田餘入黑水

構陽溪 在城西二十五里相近有四龍泉一出老
鷹台一在羅家灣其二在汪家山皆可灌田餘入桃
溪

牛蹄堰 在城北七里陂九畝灘水以灌田創自明
代當歲工時有乘青牛堤上過者逐之忽不見石上
蹄蹟存焉深寸許

千工堰 凡五一在城北十里一在北里一在永

十甲一在城南盤水一在三岔河皆陂以灌田者

官莊堰 在城北三十五里陂天宮殿水分四十八

濠灌田千餘畝

菱角堰 在城北三十里周廣數百步相傳楊氏築

以溉田者中有三埠曾建三星閣今改爲純陽閣有

異蓮數年一花花後根葉俱不見

雙仙堰 在城北六十里二塘相間里許呼大仙小

仙大仙廣十餘丈小仙廣丈餘皆可溉千畝田小仙

若湧渾水至三日必旱下三里許有陂承餘水旱則

增築之輒大雨皆不爽餘入仁江

白小堰 在城北二十里刺巴水所經

芙蓉水 在城北八十里灌小箐鹿池諸水以溉田

仁江源也

米篩井 在城北四十里猿猴巖下泉湧泛沙如篩
米冬溫夏涼愈旱愈溫灌田數百畝餘入桃溪其西
十里亦有米篩井入樂聞河

小板水 在城北二十里灌田千畝餘入湘江

常舒堰 在城北七十里大板橋可灌田千畝餘入

仁江

官陂 在城東七十里陂龍坪河水灌田數千畝其隄一石鑿成高丈餘長六丈水垂下如挂匹練石多小竅噴出纍纍若散珠景絕可玩相傳楊氏先世所造

正安州

大武山

在城內州署前秀麗如雲錦

通志

鳳舉山

在城內學宮後通志形如飛鳳今名古鳳山

州志

覆鐘山

在城內州署後

通志

聚秀山

在城南一里

龍門山 在城南十里

文筆山 在城北五里秀穎甲于羣峰

會仙山 在城東北二十里州治發脉于此

林溪壩 在城西十里羣峰環拱地勢寬敞

翠屏山 在城東南七十里舊志東一里並通志

飛鳳山 形如飛鳳

石印山 州之元武有方石並孫志 陳志在州之前

豹子山 在舊州北八里多產豹雖晴亦常有霧通志

孫陳二志方輿紀要並云在城西八里

羅蒙山 在城南六十里唐志有羅蒙縣因以名孫志

方輿紀要羅蒙唐遵義舊名也志云此山之高遠瞰

羅蒙

虹轉山 在州西南八十里

方輿紀要

松山

有東西二山離城六十里

孫志東松山在城東

五里

通志

按元豐

志南川縣有松山即此方輿紀

要在州東南六十里曰東松山在州西南六十里曰

西松山山多松因名

羅支山

在城西南九十里明嘉靖中平寇于此

通志

百六十里

孫志在西

雙鳳山

在城西一百七十里

通志

二百四十里

孫志在西

舉子山 在城東一百五十里古真安州城東大魚

塘州志漢時舉一孝廉於此孫志

雲頂山 在城西南一百四十里思二甲土溪場袁

治舊記南宋理宗時封山神于此州志一百五十里孫志在西

在西南

起鳳岡 有舊司遺址孫志陳志

爵子岡 真安志至此

僊女寨 傳曾有仙女居於此

神衛壩 有神廟每禱即應並孫志

坪木山 在江十甲北路

礦子山 在德大甲南路三十里羅簡臺

羅雨山 在江一甲西路並州志

按孫志載有獅子山明月山樂邦山白狼山金龍山銀杏臺銀盞臺上下臺姚洪寨金雞箐新開箐黃泥箐赤崖箐滴水箐亭子壩東塘壩巡檢壩蓮子壩百福田壩花池坪星宿坪栗子坪太守坪柿坪仙人洞龍洞仙女洞今俱未詳所在

貫珠溪 在城西南八十里源出虹轉山下流屈曲

合三江

明統志

通志源出州西杉木門流入州境落水

孔

芙蓉江

在城南一百里源出婺川縣經州境入岷

江

通志 出西夷流大縣川

按明統志芙蓉江在真州長

官司南百里出西南夷界東流逕思義寨北流入黔

西州界今驗正安之水無入黔西者必字誤也

三江河

在舊城北五十里源出羊毛坡流注四川

彭水縣界入岷江

通志

方輿紀要三江一名明溪源出

州西境羊毛坡東南流合於虎溪州境諸溪悉合焉

下流注於芙蓉江

北溪

在舊城北

林溪

在城西南五里

卯溪

在城北山後

並通志

虎溪

在城西南七十里

通志源出遵義北委家嶺經

舊珍州

下流入於三江

方輿紀要

思溪

在城西七十里源出南川縣牛角寨流入三

江

通志方輿紀要作西溪

淮溪河

源出婺川

孫志

桐梓縣

金鷺山

在城西一里山下有井井中嘗見二鷺羽

色如金故名

通志孫志治前一里

蒼龍山

在治後半里

孫志通志附虎峯下

天祿山

在城北三里

金馬山

在城前三里

通志城南一里

石女山

在城東十里有石如女立

七寶山

在治東五里

牛星山

在城南五里與縣對峙

通志五里作半里

虎峰山

在城西半里相近有蒼龍山

通志在城北一里

鳳鳴山

在城北二里

孫志治南二里

蟹崖山

在城東二里山上有池

通志二里作半里

鼎山

在城東南十里踞羣山之顛週圍削壁其形

似鼎

孫志治在十里

玉屏山

在城西二里

九龍山

在城東九十里相近有明月山

疋練山

在城東北百五十里

弔崖山

在城九十里

三坡

在城北六十里有上天梯

苗兒岡

在城北百三十里一名堯龍山有古廟通志

作貓兒山孫志在東北

楚米坡

在城東二十里平播時楚人輓米至此故

名

孫志即總志楚米坡陳志通志並作楚米

扶權山 在城北二百里古扶權縣以此名孫志在治西

松岡嶺 在治西三十里

萬松坪 在城西十里

夜郎壩 在城西北七十里有古夜郎城舊址在城北

陳頭箐 在城南四十里上有古廟孫志在治東陳志陳作塵

龍潭臺 在城西四十里以上並賈志名皆孫志所載

小箐口 有元帝宮知府孫敏政建有讚孫志夜郎小

箐在城北三十里通志上有祖師觀賈志

降真箐 在城北五十里賈志孫志在治西

蟠龍山

在治西南六十里

孫志蟠龍洞洞口寬敞中

甚幽邃

一石一級皆有奇致深壑中有一石龍鱗甲

宛然

續志

白崖

在治東北二十里

孫志

明月山

在治東百里

同上九龍山下

通志附

銅鼓原

在城北五十里

賈志

山形如盆地有獅子頭

極高大口間石齒粲露喉下一洞流泉不息內甚闊

有大池由池邊轉過二層有銅佛左右列銅鐘磬鼓

每自鳴聲應于外道光元年有人入拾銅鏡現存古

跡山廟中

新纂

桐梓原 在城北三十五里賈志有記

三元壩 在城北九十里通志初議依山置縣不果賈志

毛田壩 卽建縣處孫志

櫃巖 在南平軍東南一百里峭崖壁立有洞不可

扳援其門有一櫃故名輿地紀勝在宣慰司北三百里高

百丈廣半之中有一石穴穴前一櫃往來者悉見之

明統志通志入遵義縣下云穴前有一石如櫃故名方輿紀要云在桐梓縣東北百里引舊志巖在播

州北三百里

威猛山 在治東五十里卅志

青山 在治北四百餘里盤據三邑境長數百里

輿地紀勝名最高山在南平軍東南九十里高十五里林箐深密視眾山若培塿同上

寨子山 在城北二百里三峯插天中峯頂有一井

象鼻山 在城北二百五十里形如象鼻

羅武山 在城東五十里交綏陽界

楠木廠 在城西南四十五里交遵義界劉綎征楊酋時分道潛進攻其後經此

臥龍山 在城南四十里

車子山 在城南八十里

九顯山 在城南四十里

鳳凰山 在城南三十五里

雙鳳山 在城北四百里地連三界上有古剎

寶峯山 在城北四百里上有古剎

峯巖 在城南十里

天字峯 在城西十里

石人山 在城北四百里

寨子頂 在城南五里上有舊時營址

龍台山 在城北二十五里

馬鞍山 在城北四百里

頂箐 在城北四百里邑山之最高者

白馬山

在城北百里

平頭山

在城北百二十里

送嵐埧

在城西五十里

高石坎

在城西五十里三級壁立高入雲際交仁

懷縣界

猿巖

在城北百五十里

馬桑坪

在城東二十里山頂平闊可屯萬人

大營山

在城北三十里有札營舊址近爲盜藪

東山

在城東北三里

壽國山

在城西南十五里

爬頭等 在城西八十里

酒店地 在城北百六十里

插旗山 在扶權壩劉縱平播時插旗于此

劉羅坪 在城北三百餘里綦桐交界寬四十里上

住居民千餘家

三界山 在城北四百里與南川正安接壤山高廣

各十里許上有古剎

頂頭巖 在城北四百里獅溪口形如紗帽上有廟

極靈採訪據四
川藝文志

長岡嶺 在城北四百里獅溪口山長十餘里旁有

小山十八相向如羅漢

扒抓溪 在城北百二十里山路最險

大羅山 在城北七十里

營盤山 在城西一里

觀音巖 在城西四十里生成佛相

金雞山 在城南四十里

小金山 在城南三十里小水田

金鳳山 在城南三十里卽穆家寺

金錠山 在城南三十里

大關山 在城南十里

柏香巖 在城北百四十里上有古刹

柴山 在城北三百里

白雲山 在城北四百里上有古刹

婁子山 在城西南十五里

煙秋礪 在城北百里

仙人山 在城南五十里壁立危聳踞蘆里羣山之
上頂有池闊十丈餘泉湧于中雲烟聚散無常卜晴
雨極應土人相傳有仙靈往還云

金魚山 在城南三十里山高聳田環其下若浮水
面邑舉人杜安基建閣于頂登臨之頃目極無際面

東一山尤聳拔秀削月出正當其峰

手扒巖

距城

百里兩岸壁立人跡不到前難渡

河經其下乾隆間郡守四十七率邑舉人金曰琯于巖半鑿一徑通瀘里南境鹽路

篆山

在城南三十里團團挺秀四面如一

仙家巖

在城南五里俗呼和尚巖巖下一洞相傳

有夫婦入洞成仙云

伴月巖

在城南三十里

蔡虛洞

在城南三十里

葫蘆洞

在治右五里洞門高聳平闊清幽內分三

層石似龍盤鱗爪宛然頂石如蓋遊人頓足四壁響
應有如床者巖液滴映衾裯重疊有如田者阡陌分
明不湓不涸造頂處深邃里許明邑令萬建侯鑄洞
口曰天外賞明大學士王應熊書北顧巖三字邱志
石牛欄 在城北四十里生成石牛頭角宛然
雙龍洞 在城北五十里洞口有石扉石土地人有
石犬又人有石鐘鼓又人有石笋高三丈許極處有
石觀音座下清泉流出可治病

風洞 在婁里風從洞出夏涼冬暖

新崩洞 在夜郎溪兩畔石乳融結萬狀有石觀音

極著靈異

石倉崖 在城北三百里木人台其形如倉相傳昔曾出米

天生橋 有三一在城北四百里一在城北二百五十里一在城東北三十里

石笋 有二一在城北四百里約高五十餘丈一在城北三百里高出雲表不可尋丈計

石箱 在城北四百里獅溪口碎石結成一莖細而高約六丈上橫一石正方長約丈餘廣半之其形如箱

天門洞 在天橋奇形怪狀爲諸洞冠惜門小

按孫志載有青牛山令狐嶺排柵壩今俱未詳所
在

合合渡 在治前

黃龍溪 在治西一里

石龍門 在治南二里

湊溪水 在治東二里

並孫志

官堂水 在城北十里爲諸水所經

賈志

天橋水 在城東五里

賈志

天橋在魁崖後崖高百丈

濶十餘丈許水廣三十餘步沿流其下水所出及所

大處崖口圓如月痕兩旁屹立似柱上懸石佛水出洞門如銀虹雪浪至春夏水漲溪岸悉平人由橋而渡生成之巧不假人工故曰天橋

志

小溪 離城百里發源山箐下流至綦江縣名綦江河

南溪 在治南二十里

並孫志

齋郎水

在治西六十里

孫志

源出蒿茭里楚米坡經

小溪里入瀘州合江會蜀江古有苗齋郎者居此因

名

明統志

至米糧渡會赤水河入大江

賈志

蟠龍水

在治西八十里流出縣東楚米坡流至米

糧渡會仁懷河入合江大江孫志賈志在西南六十里

七陣溪在治東九十里賈志治北

趙洋水在治北九十里賈志城西

羅坎河在治東九十里

葫蘆口諸水所出並孫志

葫蘆水在城西五里濠南二溪水會此

清水溪在城南二十五里溪中有井每日三潮通志

作清溪水

撈漉溪陳志載今不知何水

蒙渡河在城北七十里傳漢唐蒙渡此因名並賈志名

皆孫志
所載

毋渡河 在城北一百二十里

坡頭河 在城北一百四十里 並卽志

青龍溪 在城西半里

官渡 在城南三里 並賈志

楚米溪 在城北二十里

羊等河 在城北百二十里

藻渡河 在治北百五十里

三溪 在治北二百六十里

二郎峽溪 在治北二百三十里 並卽志

難渡河

在城南五十里俗呼狼渡溪深岸險

養馬池

在城西四十五里相傳唐陳信洗馬處

古池

在城南十里四圍里許

濁水潭

在城西二十五里國公橋左

小水田

在城南三十里

珍珠泉

在城北二十五里龍洞河水激石成珠大

如盃從河底迸起諺云楚米龍泉浪滾珠是也今爲

人鑿石不復然矣

溫塘

在城北四百里車壩其水溫浴之能已疥

馬跑井

在城北二百五十里寨子山頂滴水不多

遇旱祈雨水輒湓出

銅鑼井 在扶權壩象鼻山下崖上滴水入井作鑼

聲井中時現黃羸井下一井水貯器作膳脂色旁有

石笋上戴一石如笠以細承巨人呼曰石斗笠

綏陽縣

永山 在城東南二里通志 孫志治南二里縣志作東南三里

辰山 在城西十五里縣志 孫志治南四里陳志西十里按即今天

峯山山右有洞名雪洞洞水下流入白楮溪白楮溪

即黃魚橋下流也

金子山 在城西十五里相近有辰山風坎山通志 孫

志治東十里
志西十二里

風坎山 在城西十五里孫志

仙人山 在城西十六里上有石坪遺蹟通志有仙人

棋局陳志里陳志北二十里孫志

波利山 在縣北二十里方輿紀要

香爐崖 在城東十五里通志形似香爐縣志東五里以上陳志

名皆孫志所載

天臺山 在城西北二里上有池大可五畝四時不

涸縣志西一里陳志

獅子山 一在治西一在鄭場陳志形似獅子縣志

臥龍山 在鄭場上有臥龍山縣志有川主神祠志

西山 在城西北十里與長幹山相連縣志有親雲禪

院陳志左有萬筭崖積石萬仞山半雲氣終年不絕其

雲晴如白絲數縷縈崖上將雨則如旛如幢直衝霄

漢休休題畫詩云西山未許畫天半出雲根指此

達摩山 在治東五里陳志通

冠子山 在城南十二里通志形如高冠陳志

山下有泉產油黃魚味甚美釣之不食潛以網捕之

時得一二重十餘斤絕無隨流入溪者

望京山 在城東七里又東二里有達摩山通志縣志作

望景山

彭山 在城南三里通縣志作盤山云卽彭山

拱辰山 在城南一百五十里山勢北向故名通志

平木山 在城西南五里有宋人冉璉故居縣志

扁桶山 在城西九里通志

筆架山 在城西十里縣志尖山之東三峯秀立中尤

峻絕下有龍洞水四時不竭廣溉民田

石牛山 在城西二十里綿亘數里常有積雪不消

通志寺外有石如牛又朗里普樂場側亦有石如牛臥

道左

朗山 在城西二十五里

長幹山 在城西北六里一名白玉山為縣治來脉

並縣志

望靄山 在城北十里通志密箐綿延縣志有洞名碧霄

懸石嶙峋最為奇勝方輿紀要周廣可四五里中有天生

石床盤盂等相傳昔有仙人棲此故又名神仙洞又

相近有燕子洞通志羊海洞縣志

何家山 在城北百五十里山形高大兩峯插天昔

有何道者棲此基址尚存縣志

銀子崖 在城西十八里又西二里有樸老崖通志縣

志陽晉崖在城南二里卽銀子崖

蕭家洞 在城西金子壩蕭家溝相傳中有靈物通志

祈雨輒應縣志

蘆竹山 在城西十二里

馬鞍山 在城西五里

桑木山 在城東北十五里並縣志

分水嶺 在城西北趙里邑中至高至險之處嶺左

水注牛渡河嶺右水注黃魚江皆入正安界

鎧山 在鴨苑高出眾山上有石臺相傳楊逆于山

下鑿池放鴨故名鴨苑鴨苑之水來自漏駕塘可溉

田每大旱鄉人修溝取水天必大雨

鷄冠山 在蟒水東形如鷄攢雲欲活嶺上有跳珠

泉本無水日出米三碗有山人取以自供嫌孔小鑿之遂變爲水潺潺漱玉委曲瀉崖壁間其右有漂水崖其下多竹其上多杉崖下一溪相繞沙淺水清頗具天光雲影之妙

魁星巖 在水測溪形如魁星險怪可怖

風巖 在毛丫場臥石欹疊欲崩中產滑藥邑人以之造紙兩山相向對面一洞深不可測中有女神嘉慶初有李姓女爲所憑能言人禍福後女適人怪始

絕自風巖下至白鏡臺沙岡嶺兩丫東西相向俱名
斬龍丫右北折至馬鬚嶺上多杜鵑花又東有磨子
臺形似磨

五龍山 在風巖東蜿蜒飛舞雲氣蓬蓬山腹中多
靈異之物又趙里亦有五龍山最高峻居民鮮少山
中冰雪非四五月不化亦非五六月不可上遙望惟
見莽莽白雲而已

飛龍山 在旺八甲曲盤離奇握拳露爪隱見莫測
望之若真龍焉

龍橋山 在金里山形似橋外石中空桶腳河水經

其下合石梁灘注旺草山之東有雙坑二坑相間丈許深不可測上半里有土橋其山皆土中空如虹跨桶腳河過下接龍橋又上八里許山半一洞曰雞公洞洞中一石如雞

大鹿山 在旺里山勢巖從恆多烈風雷雨下有井曰白沙冬溫夏涼可溉山田

寬闊水山 去響水洞三十里其山最高居民茅屋終年住雲霧中

大雁山 在寬闊水東北二十里下有一池周圍十餘里四山之水皆匯焉名釀水

金鐘山 在旺九甲周廣二百餘里。山四角入正安界。其礶壑流爲九溪：一蛇溪、一李千溪、一雁崖溪、一南宮溪、一微子溪、屬趙里；一猛溪、屬正安；一黑溪、一天花溪、屬趙里；一赤尾溪、屬旺里；赤尾合諸溪流爲磨壩河山。山之西有沙洞洞下一山突起五峯，秀立名五峯頂。

安家山 在城西一里，卽富孔洞山。中有靈物洞，深十餘里，犀蹄鳥爪時見洞內。

六郎壘 在黃魚江岸上，絕壁千仞，險峻難到。昔楊逆屯糧所也。嘉慶初，居人于此獲一大砲，長五尺餘。

徑二尺餘今存白氏廟中

天仙孔 在趙一甲上有二洞

馬腦山 在黃魚江西叢林密茂綿亘不絕

尖山 在馬腦山東高入雲天障烟蔽景必日將午
鄉人始見陽光其上產銅其陰多茅其陽多甜蕨山
下二泉對出冬溫夏涼大旱不絕

山茶山 在五龍山北有洞出水冬夏不竭可溉山
田流合渡頭河中多油魚碎鱗魚其北有倒流水水
出山腰潺湲下注水旁有崖名梯子崖石級如梯崖
下又一崖名營坪寬可數百畝其上有田

金雞山 在飛龍山東下出二水一名龍井一名魚泉相間里許其流皆注旺草山下有鼓樓山鼓樓右有金華山山行二里許有合面崖兩崖壁立相向有情一溪從中流出合面崖北有鰓脂崖髻髻欲蹕眉黛低顰婉婉可愛鰓脂崖畔有涼風洞其水甘滑夏冷冬溫由崖而上五里有紅花山山腰一洞寬數十畝上有石筍高十餘丈玲瓏疊立外石中空

彭家山 在旺里山下有井曰蓑衣井閒一小山一井曰雙跳井水注戴家河入正安界

偏崖 在趙里又名六角崖今呼爲老石由老石行

三十里至中台又五里至响水洞石壁橫截水從山頂下注澗中其聲澎湃震盪數里

鐵帽山 在分水嶺旁二峯轟轟鐵骨嶙峋形如鐵帽右有地名黃木溝溝有一大洞深不可測入洞二里餘忽分二岔右小左大岔中又分十三岔中出崖灰鄉人取以糞田中多鐘乳怪石擊之鏗然如樂音

龍頭山 在趙六甲氣象崢嶸一角凌空烟雲繚繞有見首不見尾之妙趙里諸山以此爲最上產乃竹作筆管佳

石稜子山 在趙十甲二石一高一卑稜角古峭山

產木耳紫草又去此至馬頸山多杜鵑花

天生橋 在赤霞寺上

月亮崖 在趙八甲產鉛舊有廠乾隆間封禁亦產

白金地與野茶壩相接屬遵義

陳家坡 在趙十甲規壩場崖上有石觀音甚靈異

側一石碑曰明鏡碑光彩照人山下里許有洞曰鷄

子洞出水或黃或清或如米汁大旱以鷄卵二三百

枚擲洞中頃刻大雨卽至距二十餘里有龍泉洞昔

有道人伏龍于此里人某龍泉洞記云洞中舊有龍

爲居民害有道士二人過其地師謂其徒曰此龍可擒也徒曰非天師不能師曰吾擒出時汝可大呼我爲天師遂入洞良久雙手擒龍一角拽之出其徒大駭誤呼師父龍掉尾返洞崖忽下墜將洞封閉師咬指行法洒血石上石忽裂縫始得出水卽隨湧出至今如故可溉田下注遵義界達四面山

按孫志載有馬牙箐赤崖今並未詳所在

樂煙溪

在治東十里

濠水

在治東五十里

並孫志

安徽水

在縣南八里

一名孤微水東流入于涪江

方輿紀要

源溪

在治北十里慈烏江發源
陳志

黃魚溪

在治北二十里入真安慈孫水出小峯坎山

下左水自杉木箐來合大河口注毛丫過旺草入正

安界中多黃魚江以此得名其西有鹽井溝產鹽其

東有虎巷邑民打虎處也

三朝水

在城北百餘里水自洞出每至辰午酉刻

三至不爽

相傳中有靈物

通志作三并水
孫志

合口河

在城北源有二一出黃魚溪一出羊崖縣志

傘水河

在城東南合達溪朗水流出邊義通志名小

烏江

縣志以上名
皆載孫志

達溪

在城東南源出楊柳水經達摩山西流與朗

水合

縣志

清水坪

在治南十里出佳魚

縣志

清水河

在城南源出黑澤水流入傘水

縣志

漢溪

在治東五十里

縣志

金子池

在城西金子壩大可百畝通自開紅荷

縣志

紫蓮池

在城東一里荒田數畝于康熙壬子年自

生紫蓮

因名

縣志

今為沙淤居民已作田矣

白蓮池

在螺水約百畝產白蓮

縣志

小烏江 在城東北六十五里源出椒溪流入正安

州經南川界入涪江

渡頭河 在城北卽合口河下流至此浸大過大灘

入正安州

石梁河 在城北源出桶關與渡頭河合並通志

朗水 在城西又名螺水源出朗山通志合小溪源縣志

浦浙水 在城東一名大灘源出湄潭山箐中與渡

頭河合

厚水 在城東南源出趙家里經長灘入遵義

溫泉 在城北旺草里並通志

儒溪

在大溪源

縣志

珠潮井

在城北居民于此汲水其流伏入城內小

珠潮井

潛通龍王祠前小井

石潮井

在城西卽舊志之西井源隨城後山脉伏

流至石龍橋側出居民仰汲焉餘流入達摩溪下注

千工堰

官井

在城南門外水味清甘煮茶最佳

蟒水

在魁星崖北其水流五里入黃魚江源處一

山最高山腰一洞相傳曾出巨蟒長數十丈時傷人

有鐵匠潛燒鏹以鷄戲蟒出急擲鏹刺其喉蟒負痛

奔山下就地翻滾成巨蕩二蟠旋死蕩因名蟠蕩石
北而東折水邊有二石魚長尺餘鰓鰓相向初能泛
水爲害鄉人鑿其眼鬣害始息好事者仍補鑿處年
過見之儼如欲活然不能爲患矣山上有祖師廟神
甚靈異嘉慶初曾于六月二十四日浴于山下塘鄉
人見之香火益盛後建廟傷其後山神遂不靈

牛肚河 在趙里黃村壩水注正安界其北曰寬闊
壩山高土寒耕稼至苦其地產漆有山曰仙女洞土
人謂數年前嘗見仙女在洞中梳洗有禱輒應由北
而南地名棠村溝二水交流下注牛肚河再上曰馬

蹄溪桐油溪碧澗千尋深不可測右北曰反坪曰鐘岡界接桐梓其山產方竹黃柏諸物

按孫志載有思溪河伯子河真瓦溪今並未詳所在

仁懷縣

舍月山

志云在縣南山高聳唐以此名縣

羅爲山

在廢羅爲縣西百里羅爲水出焉

並方輿紀要

翠幃山

在城東十五里形勢起自西南迤邐迴旋

由東轉北綿亘百餘里縣治祖山也

通志環繞數十峯

勢若朝拱晨早其頂有片雲是日卽雨新纂當夫惠風

初岩英雲小點嵐光翠影日披拂於几席之間又名

雲幬山

縣志

夕陽山

在城西里許落照銜峯半規隱樹景致絕

佳

通一名鐘山

端山

在城北半里端秀如垂紳正笏立于玉屏山

之下

通爲縣治來龍尊貴端嚴故名

縣志

玉屏山

在城北二里許勢如屏障縣治坐山也

通志

在城南二十里與天馬山相接

太公山

在城北四百里壁立赤水岸側高特雄秀

形如釣者

太母山 與太公山對峙二山並見孫志

天王池山 孫志城東南三百里按今在赤水里與

仁懷廳毗連天王池水源此

星羅山 一在縣東一在生界一在陽久溪大山四

面環繞小山萬餘內聚俗呼爲萬馬歸槽

陳志

筆架山 在城東北十五里四時青葱爲學宮文筆

通志

關門壘 在城南二十里嶢嶠聳秀平列一十七峯

趙仁邑要地與桐梓婁關綏陽桑木正安龍洞關皆

高出雲表一夫守之千人坐廢者

縣志

夜郎山

距城數十里

縣志

長灘箐

入赤水路數十里嘉木之蔭鳥翩翩獸駭

駭雖夏無暑雖晴亦雨有犀牛石元武石皆在箐中

箐在縣北三百餘里

蛇皮箐

前明川兵伐楊氏常經此路僅容一人險

隘處也

包公箐

距長灘箐不遠深林茂樹時聞猿聲

竹瓦寨

天啟二年袁繼與賊相拒處寨在城北三

百里

亭子石

在城北三里亭亭然亭子壩之名以此曹

達有遊記

並縣志

書畫崖

在城南五里崖石壁立黑白成章

通志

大華山

在城東四十里界遵義俗名大華尖高聳

入雲巍峩特立派衍數十里爲本縣鎮山亦遵義西

北護衛

點兵山

在城南二十里高俯數百里而遙橫直數

十餘里國

初有將駐兵其上故名

天馬山

在城南二十里二馬交馳山形如畫

馬前峰

在城北三百里其高千仞直入雲霄秀峭

異常

王筍山

在城南二十里山形如筍高聳入雲

五星山

在城南十里形如五星聯絡不斷

寶峯山

在城南二十里上有寶峯寺國初爲縣治

行署古柏數千株青葱蔽日屏障百里

白牛山

距城十里氣象奔騰宛若牛形山中有洞

傳昔有白牛自洞出爲害阡陌里人因立寺鎮之其

害遂絕

冷山

在城南百里崢嶸聳峙縣之南惟此山爲最

高煙雲繚繞四時不散雖盛暑登之亦覺寒氣逼人

鹿鳴山

在城南四十里數十尖峰參差相接樹木

叢盛康鹿羣遊山中有鹿鳴寺爲雲白和尚結廬處

馬鞍山 距城三十里形如馬鞍

謝家崖 距城四十里層巒疊嶂氣象崢嶸蜿蜒而

下聯絡數十里生界之起脉山也

黑雲崖 距城三百里四面削立其色如炭有石壁

可占陰晴遙望軒朗卽晴有黑雲出卽雨

紅崖 距城三百里其色赤與黑雲崖對峙

刀鞘崖 距城十五里危峯峭壁形如刀鞘

天車山 距城五十里形如車輪

獅子山 距城二十里山巔有洞如口下有小山如

毬宛若獅形

臥雲崖 距城十里縣令何雨建閣其上

斑鳩崖 距城十里峻嶒挺拔高數百仞四時猿聲

不絕中有洞出泉泉聲吼沸卽徵水旱

石筍頂 距城十里特立參天其形如筍風水家以

爲文筆

亮石巖 在仁懷縣東北三百里溫水場側山石皆

有光■若芙蓉下有洞側身始可入中廣闊十餘丈

石乳成羅漢獅子蛇鳥形上通圓穴逗日光視之皆

逼真

手爬崖

在城北

通懸崖天險懸崖腰線路有王縣

尹記上凌千仞下有重淵人行沙卽流下走遲則沒

及脛距城十里

撰耳崖

距城四百里其上平闊田土幾數百畝由

下而上無路可通登者以木梯相接委婉而升孫志

擦耳山當卽此

女兒崖

距城百七十里在二郎灘突兀臨江形如

女子衣髻宛然

懷陽洞

在城南二十里高六七丈深廣如之奇嵌

怪石室曲玲瓏琉囊貯秋炎景在外自更生界舊路

由遵往仁道經洞中停輿息擔頃刻思臥中多舊刻
仁懷第一勝處也

掛榜崖 距城十五里嵯峨削劣其形如牆俗傳
崖石崩墜是年卽有登賢書者

羅女洞 在城北三百里洞在半崖其崖壁立無徑
可通惟附葛攀藤可上中寬敞如屋崖下有巨塘水
深難測傳昔有羅姓女來往其間有見其坐洞口櫛
髮因戲之女怒擲梳于石躍入塘其人歸而疥自此
遂不見

羅爲水 出羅爲山東流經羅爲縣南入胡江水其

下流注於烏江

方輿紀要

赤水河

在城西十五里源出畢節縣之舊赤水衛

經新城過舊城下合岷江平時舟楫可抵舊城上一百餘里之猿猴灘自猿猴灘以上再加疏鑿可直抵

新城

通志

玉溪河

在城東北一名魚溪河通志其下流十里許

有黃魚洞洞出泉泉有魚色黃故名昔有漁人泛舟大中寬敞無際忽有巨魚撲滅其火遂迷不得出聞鳥聲審其所向見一線光始得洞口家人謂已死方招魂于外計入洞已七日矣後遂無敢入者纂

澧溪 在城東數十步兩岸石壁高峙千仞溪出地

底自東注西與赤水河合

福泉 在城南門外湧泉如珠其味清冽灌田百畝

魚泉 在城南七里其泉有二俱在溪邊每春三月

出魚如鯪味甚佳過期即不復出

並通志

溫水 在城東北三百餘里

溫泉 在城西十五里泉水常溫相傳浴之可愈疾

通山谷窈窕可憩可浴佳境也

縣志

犀牛水 中伏犀當極旱有時水溢遠近之田資焉

鑿珠泉 在城內縣尹盧文起教諭費大有典史陳

麒麟關

小溪在城里試旗槍者此水特佳將有攜茶

經茶史就而治之者

青龍灘自茅台放船至灘八十里移時卽至是川

黔分界處

長沙觜在縣治極北長二里許可以馳騁左右素

產良馬並縣志

玉簡山土城之前形如笏簡

雙穎山土城之後形如雙筆並陳志以上并新纂者並標本書

通義府志卷四